

ქ. თბილისი

2024 წ.

ერთი მხრივ,

შპს „საქართველოს აეროპორტების გაერთიანება“ (მისამართი: ქ. თბილისი, სამგორის რაიონი, შალვა ჭანკოტაძის №21 ს.კ. №404 389 693) წარმოდგენილი გენერალური დირექტორის ირაკლი ქარქაშაძის (შემდგომში „შემსყიდველი“) და

მეორე მხრივ,

შპს „ტოპოგეო“ (მისამართი: ვაკის რაიონი, ანა პოლიტოვსკაიას ქ. N 45, ბინა 57) წარმოდგენილი მისი დირექტორის ნიკოლოზ ბრეგვაძის სახით (შემდგომში „მიმწოდებელი“)

საქართველოს კანონის „სახელმწიფო შესყიდვების შესახებ“ და პრეტენდენტის შპს „ტოპოგეოს“ სატენდერო წინადადების საფუძველზე, ელექტრონული ტენდერის (სატენდერო განცხადების ნომერი: **(NAT230027340)**) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანს წარმოადგენს შპს „საქართველოს აეროპორტების გაერთიანების“ საკუთრებაში არსებული (თბილისი, ქუთაისი, ბათუმი, ფოთი, მესტიის, სამტრედიის, წყალტუბოს, ზუგდიდის, ამბროლაურის რაიონები) და კომპანიის ინტერესების სფეროში შემავალი საინჟინრო მომსახურებების, კერძოდ ტოპოგრაფიული და საკადასტრო აზომვების მომსახურების შესყიდვა ტექნიკური დავალების შესაბამისად (CPV-71354300, 71351810).

2. ხელშეკრულების ღირებულება

2.1. ხელშეკრულების საერთო ღირებულება შეადგენს 34,019.40 (ოცდაათთხმეტი ათას ცხრამეტი ლარი და 40 თეთრი) ლარს, ფასების ცხრილი თან დაერთვის ხელშეკრულებას და წარმოადგენს მის განუყოფელ ნაწილს.

2.2. ხელშეკრულების საერთო ღირებულებაში შედის მომსახურების შესყიდვასთან და მიწოდებასთან დაკავშირებული ყველა ხარჯი, ასევე საქართველოს კანონმდებლობით დადგენილი გადასახადები (მათ შორის დღგ), რომელიც უნდა გადაიხადოს „მიმწოდებელმა“.

3. მომსახურების გაწევის პირობები

4. მომსახურების გაწევის ვადა განისაზღვრება ხელშეკრულების გაფორმებიდან 2 (ორი) წლის ვადით ეტაპობრივად შემსყიდვლის მოთხოვნისამებრ.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება ფაქტობრივად განხორციელებული მომსახურების შესაბამისად ფორმდება მიღება-ჩაბარების აქტით, რის საფუძველზეც „მიმწოდებელი“ „შემსყიდველს“ წარუდგენს საგადასახადო ანგარიშ-ფაქტურას.

6. ანგარიშსწორების ფორმა და ვადები

6.1. „მიმწოდებელთან“ ანგარიშსწორება ხორციელდება უნაღდო ანგარიშსწორებით ეროვნულ ვალუტაში.

6.2. ანგარიშსწორების საფუძველია მხარეების უფლებამოსილი პირების მიერ გაფორმებული „მიღება-ჩაბარების“ აქტი და წარმოდგენილი საგადასახადო დოკუმენტი.

6.3. „მიმწოდებელთან“ ანგარიშსწორება ხორციელდება „მიღება-ჩაბარების“ აქტის გაფორმებიდან 10 (ათი) სამუშაო დღის განმავლობაში.

6.4. მიღება-ჩაბარების აქტისა და საგადასახადო ანგარიშფაქტურის წარმოდგენის გარეშე, არ მოხდება თანხის გადახდა.

7. მხარეთა ვალდებულებები

7.1. „მიმწოდებელი“ ვალდებულია:

7.1.1. გაუწიოს შემსყიდველს ხარისხიანი მომსახურება ხელშეკრულებითა და საატენდერო დოკუმენტაციით გათვალისწინებული პირობებით;

7.1.2. კეთილსინდისიერად შეასრულოს ნაკისრი ვალდებულება;

7.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

7.1.4. დაიცვას ხელშეკრულებით და სატენდერო დოკუმენტაციით გათვალისწინებული ყველა პირობა;

7.1.5. უზრუნველყოს შემსყიდველისთვის ხელშეკრულების საგანთან დაკავშირებული ყველა დოკუმენტის მიწოდება ასეთის არსებობის შემთხვევაში;

7.1.6. პასუხი აგოს განხორციელებული მომსახურების დადგენილ სტანდარტებთან და ხარისხთან შესაბამისობაზე;

7.1.7. გაწეულ მომსახურებაზე გამოვლენილი ნაკლი აღმოფხვრას საკუთარი ხარჯებით;

7.1.8. შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ გადასცეს მოცემული ხელშეკრულებით გათვალისწინებული თავისი უფლება-მოვალეობები მესამე პირს;

7.1.9. პირადად განახორციელოს ხელშეკრულებით ნაკისრი ვალდებულებები.

7.2. „შემსყიდველი“ ვალდებულია:

7.2.1. უზრუნველყოს მიმწოდებლისათვის გაწეული მომსახურების საფასურის გადახდა ხელშეკრულების შესაბამისად.

7.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.3. „მიმწოდებელს“ უფლება აქვს:

7.3.1. ხელშეკრულების ფარგლებში მოითხოვოს გაწეული მომსახურების საფასური დროული და სრული ანაზღაურება.

7.4. „შემსყიდველს“ უფლება აქვს:

7.4.1. აწარმოოს ხელშეკრულების პირობების შესრულების მონიტორინგი;

7.4.2. არ მიიღოს უხარისხო მომსახურება, ან მოითხოვოს ხარვეზის გამოსწორება;

7.4.3. მოითხოვოს მიმწოდებლის მიერ ნაკისრი ვალდებულებების ჯეროვნად შესრულება;

7.4.4. შეწყვიტოს ხელშეკრულება წინამდებარე ხელშეკრულებით განსაზღვრული პირობების შესაბამისად;

8. ხელშეკრულების პირობების გადასინჯვა

8.1. სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

8.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

8.3. ხელშეკრულებაში ნებისმიერი ცვლილება უნდა გაფორმდეს წერილობითი ფორმით.

9. ხელშეკრულების შესრულების შეფერხება

9.1. თუ ხელშეკრულების შესრულების პროცესში მხარე წააწყდება რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება და აღნიშნული შეფერხება არ არის გამოწვეული ფორს-მაჟორული გარემოებით, დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

9.2. შეტყობინების მიმღებმა მხარემ უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით.

9.3. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

9.4. იმ შემთხვევაში, თუ ხელშეკრულების პირობების შესრულების შეფერხების გამო მხარეები ხუთი დღის ვადაში ვერ შეთანხმდებიან ხელშეკრულების პირობების შესრულების ვადის გაგრძელების ან შეფერხების სხვაგვარად აღმოფხვრის თაობაზე ხუთი დღის გასვლისთანავე მიმწოდებელს ეკისრება ხელშეკრულების გათვალისწინებული პირგასამტეხლო.

10. ფორს-მაჟორი

10.1. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოებებია: მიწისძვრა; წყალდიდობა; ხანძარი; ქარიშხალი; დიდთოვლობა; ნისლი; ტემპერატურის მკვეთრი ცვლილებები; ცენტრალური ენერგო მომარაგების (ბუნებრივი აირი, ელექტროენერგია) და ცენტრალური წყალმომარაგების შეწყვეტა მხარისგან დამოუკიდებელი მიზეზით; სამხედრო მოქმედებები; ეპიდემიები; გაფიცვები; სამთავრობო ორგანოების გადაწყვეტილებები ან მათი არარსებობა; ბლოკადა; ემბარგო; საკანონმდებლო აქტებში ცვლილებები, რომლებიც უშუალოდ ახდენენ გავლენას მხარეთა მიერ ნაკისრი ვალდებულებების შესრულებაზე.

10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობებისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებზეც გავლენას არ ახდენენ ფორს-მაჟორული გარემოებები.

10.3. თუ ფორს-მაჟორული გარემოება გაგრძელდა 10 (ათი) დღეზე მეტ ხანს შემსყიდველი უფლებამოსილია ცალმხრივად შეწყვიტოს ხელშეკრულება.

11. ხელშეკრულების პირობების შეუსრულებლობა

10.1 ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში მიმწოდებელს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.

10.2 ფორს-მაჟორული პირობების გარდა, ხელშეკრულებით ნაკისრი ვალდებულებების არაჯეროვნად შესრულების შემთხვევაში შემსყიდველს ეკისრება პირგასამტეხლო ხელშეკრულების შეუსრულებელი ვალდებულების ღირებულების 0,1%-ის ოდენობით ყოველი ვადაგადაცილებული დღისათვის.

10.3 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

10.4 ამასთან, ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება ერთჯერადი ჯარიმა ხელშეკრულების ღირებულების 10%-ის ოდენობით.

12. ხელშეკრულების შეწყვეტა

11.1 ხელშეკრულება შეიძლება შეწყვეტილ იქნეს:

11.1.1 ურთიერთვალდებულებების შესრულებით;

11.1.2 მხარეთა შეთანხმებით;

11.1.3 ცალმხრივად შემსყიდველის მიერ;

11.1.4 საქართველოს მოქმედი კანონმდებლობით გათვალისწინებულ სხვა შემთხვევებში.

11.2 ხელშეკრულება შემსყიდველის მიერ ცალმხრივად შეიძლება იქნას შეწყვეტილი თუ:

11.2.1 მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;

11.2.2 მიმწოდებელი სისტემატურად და/ან უხეშად არღვევს ხელშეკრულების პირობებს;

11.2.3 შემსყიდველისათვის ცნობილი გახდა, რომ მისგან დამოუკიდებელი მიზეზების (იგულისხმება ფორს-მაჟორული გარემოების არსებობა) გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების ნაწილობრივ ან სრულად შესრულებას;

11.2.4 მიმწოდებლის მიმართ აღძრულია საქმე გადახდისუუნარობის საფუძველზე;

11.2.5 საქართველოს კანონმდებლობით გათვალისწინებულია სხვა შემთხვევები.

13. ინსპექტირების პირობები

13.1. ხელშეკრულების შესრულების კონტროლზე, ტექნიკურ ზედამხედველობაზე და ხელშეკრულებით გათვალისწინებული მიღება-ჩაბარების აქტის ხელმოწერაზე პასუხისმგებელ პირს შემსყიდველის მხრიდან წარმოადგენს შპს „საქართველოს აეროპორტების გაერთიანების“ ქონების მართვის სამსახურის უფროსი ან მისი მოვალეობის შემსრულებელი.

13.2. ხელშეკრულებით გათვალისწინებული პირობების შესრულების კონტროლსა და შესაბამისი დოკუმენტაციის მომზადებას განახორციელებს ბაზრის კვლევის და მონიტორინგის სამსახური.

14. ხელშეკრულების ვადა

14.1. ეს ხელშეკრულება ძალაში შედის მხარეთა მიერ ხელმოწერის დღიდან და მოქმედებს მხარეთა მიერ ხელშეკრულებით გათვალისწინებული პირობებისა და ვალდებულებების სრულად და ჯეროვნად შესრულებამდე არაუგვიანეს 2026 წლის 31 მარტისა.

15. დავების გადაწყვეტა

- 15.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.
- 15.2. მხარეთა შორის წარმოქმნილი ყველა დავა გადაწყდება ურთიერთშეთანხმების გზით.
- 15.3. თუ შეთანხმება ვერ მოხერხდა, დავა გადაწყდება სასამართლოს გზით, მოქმედი კანონმდებლობით დადგენილი წესით, თბილისის საქალაქო სასამართლოში.

16. დასკვნითი დებულებები

- 16.1. თუ წინამდებარე ხელშეკრულების რომელიმე დებულება ბათილია, მიუხედავად ბათილობის საფუძვლისა, ეს არ გამოიწვევს მთელი ხელშეკრულების ბათილობას. ამ შემთხვევაში ხელშეკრულების დარჩენილი დებულებები მოქმედებს ბათილი დებულების გარეშე.
- 16.2. ხელშეკრულება შედგენილია ელექტრონულად და ინახება მხარეებთან.

17. მხარეთა რეკვიზიტები:

„შემსყიდველი“

„მიმწოდებელი“

„შემსყიდველი“

შპს „საქართველოს აეროპორტების გაერთიანება“

მისამართი: თბილისი, შალვა ჭანკოტაძის ხეივანი №21
ს.კ. 404 389 693

საბანკო რეკვიზიტები: სს „თი ბი სი ბანკი“

ბანკის კოდი: TBCBGE22

ა/ა: GE47TB0615536070100001/ GEL



ირაკლი ქარქაშაძე
გენერალური დირექტორი

„მიმწოდებელი“

შპს „ტოპოგეო“

მისამართი: თბილისი, ა.პოლიტკოვსკაიას ქ.45, ბინა
57

ს.კ. 405 483 686

საბანკო რეკვიზიტები: სს „საქართველოს ბანკი“,

ბანკის კოდი: BAGAGE22

ა/ა GE80BG0000000525653622

ნიკოლოზ ბრეგვაძე
დირექტორი

ტექნიკური დავალება

შპს „საქართველოს აეროპორტების გაერთიანების“ საკუთრებაში არსებული (თბილისი, ქუთაისი, ბათუმი, თელავის, მესტიის, სამტრედიის, წყალტუბოს, ზუგდიდის, ამბროლაურის რაიონები) და კომპანიის ინტერესების სფეროში შემავალი:

- შენობა-ნაგებობების აზომვითი ნახაზების შედგენა;
- მიწის ნაკვეთების საკადასტრო აგეგმვა;
- ხაზობრივი ობიექტების აზომვა;
- მიწის ნაკვეთების გამიჯვნა-გაერთიანების ნახაზების შედგენა;
- სიტუაციური ნახაზების/ორთოფოტოების/სქემატური ნახაზების მომზადება და ბეჭვდა;
- ზღვის დონიდან სიმაღლის ან/და კოორდინატების განსაზღვრა;
- მიწის ნაკვეთების, ხაზოვანი და საპროექტო ობიექტების დაკვალვითი სამუშაოები;
- მიწის ნაკვეთის ტოპო გადაღება, საველე და კამერალური სამუშაოების ჩატარება.

2. პრეტენდენტის მიერ შესრულებული შენობა-ნაგებობების, მიწის ნაკვეთების, მათი გამიჯვნა-გაერთიანებისა და ხაზობრივი ობიექტების აზომვითი ნახაზები უნდა აკმაყოფილებდეს საქართველოს მთავრობის 2016 წლის 8 აგვისტოს #388 დადგენილებით განსაზღვრულ და საჯარო რეესტრის შესახებ ინსტრუქციის მოთხოვნებს, მათ შორის, პრეტენდენტს უნდა გააჩნდეს საჯარო რეესტრის ეროვნული სააგენტოს geo-cors-ის მხარდაჭერა და ფლობდეს gps მოწყობილობას, რომელიც ჩართული იქნება geo-cors-ის სისტემაში.

3. პრეტენდენტმა დამკვეთის მოთხოვნის შესაბამისად აზომვები უნდა შეასრულოს WGS 84-ის კოორდინატთა სისტემაში და UTM-ის კარტოგრაფიულ პროექციაში.

4. 91X172 სმ ფორმატის სიტუაციური ნახაზების მომზადებისას მიწის ნაკვეთების დატანა უნდა განხორციელდეს საჯარო რეესტრის ეროვნული სააგენტოს ბაზის მონაცემების მიხედვით, GIS ფაილების სახით. ნახაზები დატანილ უნდა იქნეს უახლეს ორთოფოტოზე და უნდა ასახავდეს შემსყიდველის მიერ მოთხოვნილ ნებისმიერი ტიპის ინფორმაციას (მათ შორის, მონაცემებს საკადასტრო კოდების, შენობა-ნაგებობების, ფართობების, მესაკუთრეების და ა.შ. შესახებ) სხვადასხვა ფერებისა თუ ნიშნულების გამოყენებით.

5. ობიექტებზე ზღვის დონიდან სიმაღლეების განსაზღვრისას, პრეტენდენტმა უნდა უზრუნველყოს მომსახურების გაწევა საქართველოს მთავრობის 2021 წლის 12 მარტის #106 დადგენილებით დამტკიცებული „სამოქალაქო საავიაციო უსაფრთხოების მიზნებისთვის განკუთვნილი გეოდეზიური სამუშაოების შესრულების წესის“ და საქართველოს მთავრობის 2016 წლის 11 ოქტომბრის #471 დადგენილებით დამტკიცებული „ჰაერნაოსნო მონაცემების და ჰაერნაოსნო ინფორმაციის მიმწოდებლების, მათი უფლება-მოვალეობების და ჰაერნაოსნო მონაცემების და ჰაერნაოსნო ინფორმაციის მიწოდების წესის“ მოთხოვნათა შესაბამისად.

6. პრეტენდენტის მიერ საკადასტრო, საველე და კამერალური სამუშაოები უნდა ჩატარდეს მაღალი სიზუსტის ორსიხშირიანი GPS ხელსაწყოთი და აუცილებლობის შემთხვევაში ელექტრონული ტაქეომეტრების გამოყენებით.

7. პრეტენდენტის მიერ საინჟინრო ქსელების პროექტირება უნდა განხორციელდეს არსებული მოქმედი დადგენილების მიხედვით.

8. პრეტენდენტის მიერ ტოპოგრაფიული გადაღება უნდა შესრულდეს ტოპოგრაფიული აგეგმვის ინსტრუქციის შესაბამისად და დაცული იქნეს გეგმური და სიმაღლური სიზუსტე.

9. პრეტენდენტის მიერ ზემოაღნიშნული ინსტრუქციის შესაბამისად შექმნილ ტოპოგრაფიულ გეგმებზე დატანილი უნდა იქნეს ყველა სახის ტოპოგრაფიული ელემენტი.

10. პრეტენდენტის მიერ დამკვეთს საბოლოო პროდუქტი უნდა გადაეცეს არანაკლებ ანალოგიური ორი და ელექტრონული ორი ვერსიის ეგზემპლარის სახით (მათ შორის, სიტუაციური ნახაზები და ორთოფოტოები - საჭროების შემთხვევაში, 5 ანალოგიური ეგზემპლარის სახით), დამკვეთის მიერ მოთხოვნილ ვადაში, რომელიც არ

უნდა აღმატებოდეს 3 კალენდარულ დღეს, შემსყიდველის მიერ საბოლოო დადასტურებიდან.

11. პრეტენდენტის მიერ შემსყიდველისთვის შესათანხმებლად მიწოდებული სამუშაო ვერსია (აზომვითი, სიტუაციური ნახაზები და ორთოფოტოები) არ ჩაითვლება საბოლოო პროდუქტად.

12. თბილისში, სამუშაოს შესრულების ადგილამდე მისვლას პრეტენდენტი უზრუნველყოფს საკუთარი ხარჯებით.

13. პრეტენდენტმა უნდა გაითვალისწინოს, რომ შესაძლებელია, ხელშეკრულების მთელი პერიოდის • განმავლობაში ერთდროულად ან ცალ-ცალკე, დასჭირდეს სამუშაო ვიზიტები:

- ქუთაისის აეროპორტში - 3 დღე,
- მესტიის აეროპორტში - 1 დღე,
- ბათუმის აეროპორტში - 1 დღე,
- ამბროლაურის აეროპორტში - 1 დღე,
- თელავის აეროპორტში - 2 დღე,
- ზუგდიდის აეროპორტში - 1 დღე.

14. მომწოდებელი თავად უზრუნველყოფს ამგვარი ვიზიტების ორგანიზებას და ხარჯებს. ეს ხარჯები შემსყიდველის მიერ ანაზღაურდება მხოლოდ ასეთი ვიზიტების განხორციელების შემთხვევაში. სხვა რეგიონში სამუშაო ვიზიტის საჭიროების შემთხვევაში, ასეთი ვიზიტის ანაზღაურება მოხდება სხვა მომსახურების შემცირების ხარჯზე ისე, რომ არ გაიზარდოს ხელშეკრულების საერთო ღირებულება.

15. შემსყიდველი უფლებამოსილია, თავად უზრუნველყოს მიმწოდებლის წარმომადგენლ(ებ)ის ტრანსპორტირება ან თანხლება რეგიონში ვიზიტის დროს. ამ შემთხვევაში მიმწოდებელს რეგიონში ერთდღიანი სამუშაო ვიზიტის ღირებულება არ აუნაზღაურდება.

16. შესყიდვის ობიექტის თავისებურებებიდან გამომდინარე მოცემულია სავარაუდო მოცულობები, რომლებიც შეიძლება სრულად არ იქნეს ათვისებული. თუ მომსახურების გაწევისას აღმოჩნდა, რომ მომსახურების ჩამონათვალთან რომელიმე პოზიციაზე მომსახურების მოცულობა ამოიწურა, შემსყიდველის შეხედულებისამებრ, მხარეთა შეთანხმების საფუძველზე შესაძლებელია ხელშეკრულების ფარგლებში განხორციელდეს ცვლილება სხვა მომსახურების მოცულობის შემცირებით ისე, რომ არ გაიზარდოს ხელშეკრულების საერთო ღირებულება.

17. პრეტენდენტის მიერ შესრულებულ სამუშაოსთან დაკავშირებით ხარვეზის ან/და მომსახურების არაჯეროვანი შესრულების ფაქტის 3-ჯერ დაფიქსირების (შეტყობინების გაგზავნით) შემთხვევაში, შემსყიდველი უფლებამოსილია ცალმხრივად შეწყვიტოს მხარეებს შორის გაფორმებული ხელშეკრულება.

18. ოფიციალურ შეტყობინებად ითვლება ყველა წერილობითი შეტყობინება (მათ შორის ელექტრონულად მეილზე გაგზავნილი).

დანართი №1

ფასების ცხრილი

პრეტენდენტის დასახელება: შპს ტოპოგეო

№	შენიშვნა-ნაგებობების აზომვითი ნახაზები	რაოდენობა (კვ.მ)	ერთეულის ფასი (ლარი)	საერთო ფასი (ლარი)
1	საზოგადოების საკუთრებაში არსებული და მისი ინტერესების სფეროში შემავალი შენობა-ნაგებობები	5000	0.354	1770
	სულ:	5000		1770

№	მიწის ნაკვეთების აზომვითი ნახაზების მომზადება, საველე და კამერალური სამუშაოების ჩატარება	რაოდენობა (ცალი)	ერთეულის ფასი	საერთო ფასი (ლარი)
1	10001 კვ.მ-მდე	4	94.4	377.6
2	10001 კვ.მ-დან 50001 კვ.მ-მდე	6	106.2	637.2
3	50001 კვ.მ-დან 100001 კვ.მ-მდე	4	112.1	448.4
4	100001 კვ.მ-დან 500001 კვ.მ-მდე და ზემოთ	5	118	590
5	500001 კვ.მ-დან ზემოთ	2	118	236
	სულ:	21		2289.2

№	ხაზობრივი ობიექტების აზომვითი ნახაზები	რაოდენობა (ცალი)	ერთეულის ფასი (ლარი)	საერთო ფასი (ლარი)
1	1-2001 გრ/მეტრამდე	15	106.2	1593
2	2001 გრ-მეტრიდან 5000 გრ-მეტრამდე და ზემოთ	2	230.1	460.2
	სულ:	17		2053.2

№	გამიჯვნივით და გაერთიანების ნახაზების მომზადება (სიტუაციური ნახაზის ჩათვლით)	რაოდენობა (ცალი)	ერთეულის ფასი (ლარი)	საერთო ფასი (ლარი)
1	A4, A3-ფორმატზე	40	59	2360
	სულ:	40		2360

№	სიტუაციური ნახაზების/ორთოფოტოს/სქემატური ნახაზების მომზადება და ბეჭედა	რაოდენობა (ცალი)	ერთეულის ფასი (ლარი)	საერთო ფასი (ლარი)
1	A4 -ფორმატზე	20	118	2360
2	A3-ფორმატზე	20	295	5900
3	A2-ფორმატზე	2	295	590
5	კამერალურად დამუშავებული, 91X172 სმ ან მასთან მიახლოებულ ფორმატზე, ორთოფოტოზე დატანილი	3	295	885
6	დაბრკოლებებისგან თავისუფალი არეების სქემატური ნახაზი/რუკა A0 ფორმატზე	2	118	236
7	კომპანიის მიერ წარდგენილი ელექტრონული ვერსიის ნახაზის/რუკის შესაბამისად ბეჭედა (A0 ან/და 91X172 სმ ზომის ფორმატზე, ორთოფოტოზე დატანილი, ფერადი), საჭიროების შემთხვევაში ელ. ვერსიის კორექტირება	9	94.4	849.6
	სულ:	56		10820.6


№	ზღვის დონიდან სიმაღლის ან/და კოორდინატების (X, Y, Z) განსაზღვა	რაოდენობა (წერტილი)	ერთეულის ფასი (ლარი)	საერთო ფასი (ლარი)
1	საზოგადოების საკუთრებაში არსებულ და მისი ინტერესების სფეროში შემავალ უძრავ ქონებაზე	130	29.5	3835
	სულ:	130		3835

№	მიწის ნაკვეთების, ხაზოვანი და საპროექტო ობიექტების დაკვალვა	რაოდენობა	ერთეულის ფასი (ლარი)	საერთო ფასი (ლარი)
1	10001 კვ.მ-მდე მიწის ნაკვეთის დაკვალვა	1 ცალი (წერტილების რაოდენობა საჭიროების მიხედვით მიწის ნაკვეთის კონსტრუქციიდან და სპეციფიკურობიდან გამომდინარე	472	472
2	10001 კვ.მ-დამ 50001 კვ.მ-მდე მიწის ნაკვეთის დაკვალვა	1 ცალი (წერტილების რაოდენობა საჭიროების მიხედვით მიწის ნაკვეთის კონსტრუქციიდან და სპეციფიკურობიდან გამომდინარე	944	944
	სულ:	2		1416

№	მიწის ნაკვეთის ტიპი და სახელი და კამერალური სამუშაოების ჩატარება	რაოდენობა (ცალი)	ერთეულის ფასი (ლარი)	საერთო ფასი (ლარი)
1	100001 კვ.მ-მდე	4	708	2832
2	10001 კვ.მ-დან 50001 კვ.მ-მდე	1	708	708
3	50001 კვ.მ-დან 150001 კვ.მ-მდე	1	1416	1416
4	150001 კვ.მ-დან 300001 კვ.მ-მდე	1	2360	2360
	სულ:	7		7316

№	შესაძლო ვიზიტები	რაოდენობა	ერთეულის ფასი (ლარი)	საერთო ფასი (ლარი)
1	ქუთაისის საერთაშორისო აეროპორტში (შრომა/დღე)	3	153.4	460.2
2	ბათუმის საერთაშორისო აეროპორტში (შრომა/დღე)	1	330.4	330.4
3	მესტიის აეროპორტში (შრომა/დღე)	1	354	354
4	ამბროლაურის აეროპორტში (შრომა/დღე)	1	236	236
5	თელავის აეროპორტში (შრომა/დღე)	2	236	472
6	ზუგდიდის აეროპორტში (შრომა/დღე)	1	306.8	306.8
	სულ:	9		2159.4

„შემსყიდველი“
შპს „საქართველოს აეროპორტების გაერთიანება“


ირაკლი ქარქაშაძე
გენერალური დირექტორი

„მიმწოდებელი“
შპს „ტოპოგეო“

ნიკოლოზ ბრეგვაძე
დირექტორი